

ceteris in ea Regione urbibus, clarissima, Agrum habet variorum fructuum ubertate luxuriantem. Anno
 CIOXXVI die xx Augusti a Turcarum Imperatore Solimanno Christianis erepta est, Reliquæ sunt *Bosni-*
um vulgo *Prezborgh*, urbs nobilissima. Hic Leyta st. Ponnoniam Superiorem ab Inferiore dividens, cum I-
 stro miscetur. Urbs vetus & elegans, quæ ut situ, ita Aere quo fruitur læto & amœno salubrique, multas Panno-
 niæ urbes longe antecellit. Montes habet Vineis amœnissimis confitos, qui & magnam lignorum copiam præ-
 bent. Ad suburbium in præcelsò Montis vertice Arcem validam habet. *Belgradum* ad Confluentes Savi & Da-
 nubii, vulgo etiam dicitur *Alba Græca*, antiquioribus *Taurunum*, Germanis *Griechs Weissenburg*: captum est a
 Turca Solimanno, anno CIOICXX, quum antea Christiani Orbis adversus immanem hostem præsidium ali-
 quam diu fuisset; nunc hæc Turcatum Imperatoris sedes est. Vterius secundo Danubio descendentes occu-
 rrit *Singidunum*, captum a Turca anno cccc xxxix. Medio inter duas istas urbes spacio, campus est nobili
Humiada victoria adversus Maliometum Turcarum Imperatorem celebratus: Campum vocant *Maxons*. Præ-
 lium commissum est anno CIOCCCLVI. Adverso flumine ascendentes multa loca excipiunt funestis Chri-
 stianorum cladibus tristiâ. *Valpo* urbs capta anno CIOICXLI. *Quinque Ecclesiæ* ad Dravum anno CIOICXLI. *Ziget-
 ha* anno CIOICXVI. *Buda* de qua supra. *Sirigonium* ad Danubium, vulgo *Gran* dicitur, Archiepiscopo palis
 quondam sedes, & jam in manibus Turcarum. *Alba Regalis*, *Sintweissenburg* Regum corona & sepultura cele-
 bris, capta est Anno CIOICXLI. In eodem pene tractu est *Siridon* B. Hieronymi patria. Est & *Komora* urbs
 munitissima in Insula ejusdem nominis, frustra aliquoties a Turcis petita. *Jaurinum*, vulgo *Raab* ad Danubium
 sita, fere inexpugnabilis. Reliqua Opida silentio prætereo. Sunt & in Hungaria Lacus celebres ac nobiles,
 quorum præcipuus est *Balaton*, qui Germanis *Platze* dicitur, xl. Milliaria Italica secundum latitudinem habens
 & Hungarica viii. Flumina sunt nobilissima *Danubius*, *Savus*, *Dravus*, & *Tibiscus*: Horum tres priores com-
 munes sunt nonnullis aliis regionibus, sed *Tibiscum* totum, sola Hungaria sibi vendicat. Hic quidem in
 Maramusia sub altissimis Carpati jugis nascitur, omnesque Hungariæ fluvios, proventu Piscium superat; omni-
 bus enim temporibus iismirifice abundat, inprimis Sturionibus, Lucis, quorum hepar sesqui-ulnam longi-
 tudine interdum superat: Cyprii & Siluribus. Alii etiam Amnes præter hos sunt, qui optimorum Piscium
 copia adfluunt, nimirum Fundulis, Trutis, Salmonibus, Percis, Murenis, Barbis & aliis pluribus, qui Amnes
 plerique feraces Auri sunt. Montes & Silvæ præcipuè, ultra Danubium ab Austria & Moravia incipiendo recen-
 sentur a Lazio, *Tarchzal* Græcis *Carpatius* quondam a fructu Minerarum appellatus, propagatur per Comitatus,
 Turocensem, Arnensem, Liproviensem, Cappusiensem, Gewineriensem ac Sariensem, cujus nomina Germa-
 norum locorum Incolæ aliis atque aliis nominibus indigetant, *den Vatter*, *den Munch*, *den Wurtganten*, *den Sch-
 neperg*. Secundus est *Matran*, Vinetis prope Agriam confitus. Tertius omnium amplissimus *Erdel*. Sunt &
 multi alii, quos brevitatæ studio hoc loco omittimus, hisce Germaniam concludentes.

Flumina.

Montes.

Silva.